

Till Finlands författningssamling nr 1349/2015
(Jord- och skogsbruksministeriets förordning om kommersiella fiskare)

Tilläggas den samiska översättningen:

Eana- ja meahccedoalloministeriija ásahus**gávppálaš bivdiin**

Eana- ja meahccedoalloministeriija mearrádusa mielde mearriduvvo guolástanlága (379/2015) 87 §:a 2 momeantta, 88 §:a 5 momeantta ja 90 §:a 3 momeantta vuodul:

1 §

Sisačálihanohcamuš

Gávppálaš bivdin sisačáliheapmi ohccojuvvo ELY-guovddážiis čálalaččat. Ohcamuša galgá ohcci ieš vuolláičállit áššáigullevaš vuogi mielde ja das galget leat mielde gávppálaš bivdodoaibmis čuovvovaš dieđut:

- 1) namma ja persovdna-, fitnodat- dahje searvvušdovddaldat;
- 2) eatnigiella;
- 3) ruovttu- dahje ássanbáiki;
- 4) čujuhus- ja eará oktavuodadieđut, juridihkalaš persovnnas maiddái ovddasteaddji namma ja oktavuodadieđut;
- 5) bargágo doaibmi gávppálaš bivdduin mearas vai sisčáziin;
- 6) goabbái guolástanlága (379/2015) 88 §:a 1 momeanttas oaivvilduvvon joavkkuin doaibmi háliida iežas sisačálihit; ja
- 7) ohcavuloš registrerenáiggi guhkkodat, jos dat lea vuollel golbma jagi.

Jos doaibmi háliida sisačálihit iežas gávppálaš bivdiid jovkui I, de ohcamušii galgá laktit váldosiid nannejuvvon ruhtadoalloahpahemiin dahje daid vástideaddji áššegirjjiin, main bohtet ovdan dieđut doaibmi iežas bivdin ja sutnje bivdojuvvon sállasa dahje das ovddosdikšojuvvon guolástanbuktagiid vuovdimis čoggon gávpejorus golmma mañimuš ruhtadoallobajis. Dárbbu mielde galgá laktit guolástanlága 88 §:a 2 momeantta 2 čuoggás oaivvilduvvon plána.

2 §

Plána

Guolástanlága 88 §:a 2 momeantta 2 čuoggás oaivvilduvvon plánas galgá čilget plánejuvvon bivdo- ja ovddosdikšundoaimma iešlági ja viidodaga. Plánas galgá čielgat, gallis oassálastet bivdo- dahje ovddosdikšundoaimmii, makkár bivdofatnasiin ja makkár bivdosiin bivdojuvvo jurddašuvvon bivdoguovllus. Dasa lassin galget čilgejuvvo doaibmi vuoigatvuodát ja lobit bivdit jurddašuvvon bivdoguovllus. Ovddosdikšundoaimma hárrái čilgejuvvo, makkár lanjain ovddosdikšun dáhpáhuvá ja makkár bargoneavvut das adnojuvvojit. Plánas galgá leat mielde maiddái čilgehus das, mo sálaš dahje das ovddosdikšojuvvon guolástanbuktagat vuvdojuvvojit, ja rehketárvoštallan vássi ja golmma čuovvovaš ruhtadoallobaji árvvoštallon gávpejorus.

Doaibmi, guhte lea leamaš ruhtadoallogeatnegas dán ásahusa fápmui boadedettiin dan mađe oanehis áiggi ahte ii sáhte čájehit iežas doaimmas dárbbášlaš dieđuid gávpejorus golmma mañimuš ruhtadoallobajis, laktá plánii váldosiid nannejuvvon ruhtadoalloahpahemiin dahje

daid vástideaddji áššegirjiin. Dain čielgá dasto doaibmi iežas bivdin dahje sutnje bivdojuvvon sállasa ja das ovddosdikšojuvvon guolástanbuktagiid vuovdimis čoggon gávpejorru dan áig-gis, mas son lea leamaš ruhtadoallogeatnegas.

3 §

Mearrádus sisačáliheamis

Sisačálihanmearrádusas nannejuvvo, man áigemeari rájes doaibmi lea sisačálihuvvon gávppálaš bivdin, goas sisačáliheami gustonáigi nohká ja goappá gávppálaš bivdiid jovkui do-aibmi lea biddjojuvvon. Ovdalis namuhuvvon dieđut leat maiddá guolástanlága 89 §:a 1 mo-meanttas oaivvilduvvon duodaštusas.

Doaibmi sisačálihuvvo gávppálaš bivdiid jovkui II, jos su doaimmahan gávpejorrodieđuin ii čielgga ahte guolástanlága 88 §:a 2 momeantta 1 čuoggás mearriduvvon gávpejorroeaktu ol-lašuvvá. Ná meannuduvvo maiddá dalle, jos su doaimmahan, guolástanlága 88 §:a 2 mo-meantta 2 čuoggás oaivvilduvvon plána ii dohkkehuvvo. Jos ohcci doaimmahan dieđuin čielgá ahte mañimuš golmma ruhtadoallobajis muhtun lea leat oanehet dahje guhkit go 12 mánotbaji, de guoskevaš ruhtadoallobaji gávpejorrun adnojuvvo dat mearri, mii fidnejuvvo go ruhtadoal-lobaji gávpejorru gerdojuvvo loguin 12 ja juhkkjuvvo ruhtadoallobaji mánotbajiid meriin. Mánotbadjiin lohkkjuvvojit dievas mánotbajit.

4 §

Sisčáziin bivdojuvvon sállasiid almmuheapmi

Guolástanlága 90 §:a 1 momeanttas oaivvilduvvon bivdobeavegirjái merkejuvvojit bivdo-juvvon sállasiid kilomearit bivdobeivviid, guollešlájaid ja bivdosiid mielde sihke bivdoguovlu nu, ahte das čielgá čáhceguovlu joga, jávri ja stuorra jávriin jarkna dárkilvuodain. Reabbásálaš merkejuvvo stuhkaid mielde. Sierra bivdosiin fidnejuvvon sállasiid kilomeriid sáhtta árvoštallat guollešlájaid mielde. Bivdosiin merkejuvvojit bivdosiid mearri, sturrodat ja bivdoáigi. Gávppálaš bivdi dahká bivdobeavegirjái merkejuvvon dieđuid vuodul kaleand-darmánuid mielde Luondduriggodatguovddáža nannen skoviin sálašalmmuhusa ovddit jagi sállasisttis ja doaimmaha dan guovvamánu loahpa rádjai Luondduriggodatguovddáži.

5 §

Fápmuiboahhtin

Dát ášahus boahhtá fápmui ođđajagemánu 1 beaivve 2016.

Helssegis skábmamánu 23 beaivve 2015

Eanadoallo- ja birasministtar Kimmo Tiilikainen

Ráđđádalli virgeolmmoš Orian Bondestam